

ತಿಮೋಥೆಯನಿಗೆ ಬರೆದ ಎರಡನೆಯ ಪತ್ರಿಕೆ ಪೌಲನೆ ತಿಮೋಥೆಯನ ಲೀಖ್ಯೋತೆ ಬೇನಿ ಚಿಟ್ಟಿ ಮಾಲುಮ್ ಕರಾನು

ಬೇನು ತಿಮೋಥೆನು ಪುಸ್ತಕ ಅಪೊಸ್ತಲ ಹುಯಿರೋತೆ ಪೌಲ ಇನ ಶಿಷ್ಯಹುಯಿರೋತೆ ತಿಮೋಥೆನ ಲೀಖಿರಾಖ್ಯೊಸ್. ಬೇನು ಪುಸ್ತಕ ಪೌಲನ ಜಿವ್ವನು ಖರ್ತಿನು ವೇಳ್ತ ಲೀಖಿರಾಖ್ಯೊಸ್. ಪೌಲ ಆ ವಖ್ತಮ ರೋಮ್ನಿ ಖಾರ್ಕೊಟ್‌ಮ ಥೊ 2 ತಿಮೊ 1:16 ಪೌಲಬಿ ತಿಮೋಥೆನ ಜೋಡ್ಡ ಅಲ್ಪಿ ಖ್ವಿಂಗ್ ಥಿ. ಘಣಿಹಲ್ಲ ತಿಮೋಥೆಯನ ಥಿಯೊಕರಿ ಬುಲಾವೊಡೊ. ಫಿಲಿಪ್ಪಿ 2:22, 1 ತಿಮೊ 1:2,1:18.

ಪೌಲನೆ ಲೀಖ್ಯೋತೆ ಆ ಚಿಟ್ಟಿ ಸಭೆನ ಕಾಹೆ, ಅದ್ವಿವೊನ ಲಿಖ್ಯೋತೆ ಚಾರ್ ಚಿಟ್ಟೇಮ ಆ ಏಕ್ ಚಿಟ್ಟಿ ಹುಯಿರುಸ್. ಉಬ್ರೀತೆ ತೀನ್ ಚಿಟ್ಟಿ ಖಿವಿಕತೊ, 1 ತಿಮೋಥೆ, ತೀತ, ಅಜ್ಜು ಫಿಲೆಮೋನ, ಬೇನಿ ತಿಮೋಥೆ ಲೀಖಾನಿ ವಖ್ತಮ ರೋಮಾಪುರಮ ಥೊತೆ ಕ್ರಿಸ್ತಾನ್‌ವಾಳಾನ ಖ್ವತಾಪ್ಪಿನಿ ವೇಳ್ ಹುಯಿರ್ದಿ. ಇನಖ್ವಾಜಿ ಪೌಲನೆ ಖ್ವಾರ್ಕೊಟ್‌ಮಥೊ. ಅಜ್ಜು ತಿಮೋಥೆಯನ ಖ್ವತಾಪ್ಪಿನ ಖ್ವಮಾಳಿಲ್ವವಾನ ಖ್ವಾಜ್ ದಿದೊ. ಏಕ್‌ನಿ ತಿಮೋಥೆನು ಚಿಟ್ಟೇಮ ರ್ವಾನಿತರಸ್ ಪೌಲನೆ ತಿಮೋಥೆನ ಝೂಟ ಬೋಧಕರ್‌ನಿ ವಿರೋದ್ ರ್ವೇತಾಯೊ. 1 ತಿಮೊ 1:16-18 ಅಗಾಡಿ ಆವ್‌ಶೇತೆ ಖ್ವತಾಪ್ಪಿನಿ ಬಾರೇಮ ಬೋಲಿರಾಖ್ಯೊಸ್ 1 ತಿಮೊ 3:1

ಕಾಡಿದೇಖೊ

1 ಪೌಲ ತಿಮೋಥೆನ ಖ್ವಲಾಮ್ ಕರ್ತೊ ಆ ಚಿಟ್ಟಿನ ಶುರುಕರಿರಾಖ್ಯೊಸ್. 1:1-2 ಇನಪಾರ್ ಇನ ಹುಮ್ಮಖ್ಡ್ ಕರಸ್.1:3-18

2 ಇನಕೇಡೆಥು ತಿಮೊಥೆಯನ, ಆವಶೇತೆ ಮುಶ್‌ಕೀಲ್ನಿ ಬಾರೇಮು
ಖ್ವಾಮಾಳಿಲೀನ್ ರ್ವವಾನ ಬೋಲಿರಾಖ್ಯೊಸ್. 2:1-13

3 ಇನಪಾರ್ ಮಾಮೂಲಿ ಖ್ವುಜ್ ದೀರಾಖ್ಯೊಸ್. 2:14-26

4 ಅಜು ಖ್ವುಮ್ಪೆ ಉಷೇತೆ ವಿಚಾರ್ನಿ ಬಾರೇಮು ಅಲ್ಫಿನಿತರ ಫೇಡ್
ದೇವ್ವುಕರಿ ಹೊಷಾರಿ ಕರ್ರೊ. 3:1—4:8

5 ತಿಮೊಥೆನ ಥೋಡಿ ಇನು ಬುದ್ಧಿವಾತೆನ ಬೋಲ್ತೊಹುಯಿನ್ ಖ್ವುರ್ತಿ
ಕರಿರಾಖ್ಯೊಸ್. 4:9-22

¹ ಅಪೊಸ್ತಲ ಹುಯಿರೋತೆ ಪೌಲನೆ, ಇನೊ ಪ್ಯಾರ್‌ನೊ ಛಿಯೊ
ತಿಮೊಥೆನ ಲೀಖ್ಯೊತೆ ಶಾತ್‌ಕತೊ, ಪೌಲಾಥಿ ಯೋ ದೇವ್ವಿ
ಮರ್ಜಿನಿತರ ಕ್ರಿಸ್ತ ಯೇಸುಮ ಛಾತೆ ಜಾನ್ನಿ ವಾಗ್ದಾನ್ನ ಬೋಲಾನಖ್ವಾಜೆ
ಕ್ರಿಸ್ತ ಯೇಸುನೊ ಅಪೊಸ್ತಲ ಹುಯಿರೋಸ್.

² ಮಾರೊ ಪ್ಯಾರ್‌ನೊ ಛಿಯೊ ತಿಮೊಥೆಯನ ಲೀಖಾನು ಶಾತ್‌ಕತೊ,
ಬಾ ಹುಯಿರೊತ್ತೆ ದೇವ್‌ಥಿ ಅಜು ಪ್ರಭು ಹುಯಿರೊತ್ತೆ ಕ್ರಿಸ್ತ
ಯೇಸುಥಿ ತುನ ವಾರ್‌ಖ್ವೊ ಗೋರ್ ಅಜು ಶಾಂತಿ ಮಳಾದೆ.

ಧನ್ಯವಾದ್ ಅಜು ಭಾಲಿನಿ ವಾತೆ

³ ಮೇ ಕೆದೇಬಿ ರಾತ್-ದನ್ ಪ್ರಾರ್ಥನೆ ಕರಾನಿ ವಖ್ವತ್‌ಮ, ತಾರಿ
ಬಾರೇಮು ಯಾದ್‌ಕರಿನ್, ದೇವ್ವ ಖ್ವಲಾಮ್ ಕರುಸ್. ಅಜು ಇನು
ಸೇವೆನ ಮಾರ ಬಾಬಾದಾದವಾನಿತರ ಶುದ್ ದಿಲ್‌ಥಿ ಕರುಸ್

⁴ ತಾರ ಆಂಝಾನ ಮೇ ಯಾದ್ಕ ಲಯಿನ್ ತುನ ಘಣಿ
ಶಂತೋಖ್ವಮ ಭರಾವ್ವುಕರಿ ಮೆ ಮನ್‌ಕರುಸ್.

⁵ ತಾರಿ ಶುದ್ಧಮನ್‌ಥಿ ಛಾತೆ ವಿಶ್ವಾಸ್ ಮಾರಿ ಯಾದ್ಕ ಛಾ,
ಇಮ್ಮಿ ವಿಶ್ವಾಸ್ ತಾರಿ ನಾನಿ ಲೋವಿಮಾಬಿ ಅಜು ತಾರಿ ಆಯ
ಯೂನಿಕೇಮಾಬಿ ಥಿ. ಯೋಸ್ ವಿಶ್ವಾಸ್ ತಾರಮಾಬಿ ಛಾಕರಿ ಮನ
ಅಲ್ಫಿನಿತರ ಮಾಲುಮ್.

6 ಅನಖ್ವಾಜೆಸ್ ದೇವ್ನೆ ತುನ ದಿದೋತೆ ಯೋ ವರದಾನ್ ದೀವಾನಿತರ ಖ್ವಲಗ್ತು ರ್ವಾವಾದೆ ಅಜ್ಜು ಮೇ ತಾರಪರ್ ಹಾತ್ ಮ್ಹೇಲ್ಯೊಥೋತೆ ತದೆ ಯೋ ತುನ ಮಳ್ಳು.

7 ದೇವ್ನೆ ಅಪ್ಪುನ ದೀರಾಖ್ಯೋತೆ ಆತ್ಮ ಡರ್‌ಪೋಕ್ ಬಣಾವವಾಳು ಆತ್ಮಕಾಹೆ; ಇನು ಆತ್ಮಅಪ್ಪುನ ಶಕತ್, ಪ್ಯಾರ್ ಅಜ್ಜು ಗ್ರಿಸ್ತಿಥಿ ಭರಿದೇಸ್.

8 ಅನಖ್ವಾಜೆ ಅಪ್ಪೊ ಪ್ರಭುನಿ ಬಾರೇಮ ಸಾಕ್ಷಿ ಬೋಲಾನ, ಕ್ರಿಸ್ತನಖ್ವಾಜೆ ಜೇಲ್‌ಮ ಛೂತೆ ಮಾರಿಬಾರೇಮ ಖ್ವರ್‌ಮೈಶ್ ನಕೊ.ತುನ ಹೋಣುತೆ ಶಕತ್ ದೇವಸ್ ದಿಶೆ. ಇನ ಬದಲ್ ದೇವ್ನಿ ಅಲ್ಫಿ ಖಬರ್‌ನಖ್ವಾಜೆ ಮಾರ ಜೋಡೆ ಲತಾಡ ಪಡ್.

9 ಇನೆ ಅಪ್ಪಾಮ ಛಾತೆ ಅಲ್ಫಕಾಮ್‌ನ ದೇಖ್ಯೋತೆ ಇನಖ್ವಾಜೆ ಕಾಹೆ. ಇನಿ ಖ್ವೊಜ್‌ಥಿ ಅಜ್ಜು ವಾರ್‌ಖ್ವೇಥಿ ಅಪ್ಪುನ ಬಚಾಡಿನ್ ಪರಿಶುದ್ ಹುವಾನ ಬುಲಾಯೊ, ಇನೆ ಜಗ್‌ಜಮಾನೇಥಿ ಯೊ ವಾರ್‌ಖ್ವೊಯೇಸು ಕ್ರಿಸ್ತಥಿ ಅಪ್ಪುನ ಮಳ್ಳು.

10 ಕತೋಬಿ ಹಮ್ಮೆ ಅಪ್ಪೊ ಬಚಾಡವಾಳೊ ಹುಯಿರ್ರೋತೆ ಕ್ರಿಸ್ತ ಯೇಸು ದೆಖಾವಾನಿ ಜೋಡ್ತು ಅಪ್ಪುನ ಪ್ರಕಟ್‌ಹುಯು. ಇನೆ ಮರಣ್ಣ ನಾಶ್ ಕರ್ರೊ ಅಜ್ಜು ಜಾನ್ನಬಿ ಮರಾನುಕೊಂತೆ ಸುವಾರ್ತೆ ವತಾಳಿರಾಖ್ಯೊಸ್.

11 ದೇವ್ನೆ ಮನ ಅಪೊಸ್ತಲ ಅಜ್ಜು ಶಿಕಾಡವಾಳೊ ಹುಯಿನ್, ಆ ಅಲ್ಫಿ ಖಬರ್‌ನ ಬೋಲಿದ್ಯವಾನಖ್ವಾಜೆ ಮ್ಹೇಲಿರಾಖ್ಯೊಸ್.

12 ಅನಖ್ವಾಜೆಸ್ ಮೇ ಆ ಖ್ವಾರ್ರು ಖ್ವಮಾಳುಕರುಸ್ತೆ. ತೋಬಿ ಮೇ ಖ್ವರ್ಮಾವ್‌ಕೊಯ್ನಿ. ಶನಕತೊ ಮೇ ಕಿನಾಪರ್ ಭರೋಖ್ವೊ ಕರಿರಾಖ್ಯೊಸ್‌ಕಿ ಯೊ ಮನ ಮಾಲುಮ್ ಕರಿರಾಖ್ಯೊಸ್. ಅಜ್ಜು ಮನ ಅಲ್ಫಿನಿತರ ಮಾಲುಮ್‌ಕಿ ಯೋ ಮಾರ ಹಾತ್ಮ ಶಾತ್ ದೀರಾಖ್ಯೊಸ್ತೆ ಇನ, ಪ್ರಭು ಆವಾನು ಯೊ ದನ್ ಆವಾತೋಡಿ ಬಚಾಡನ ಶಕತ್‌ವಾಳೊ ಹುಯಿರ್ರೋಸ್.

13 ತೂ ಮಾರೇಥಿ ಶನಿಬಾರೇಮ ಶಿಕಿರ್ರೋಸ್ತಿ ಇನ ವಿಶ್ವಾಸ್‌ಥಿಬಿ ಅಜ್ಜು ಕ್ರಿಸ್ತ ಯೇಸುನಿ ಪ್ಯಾರ್‌ಮ ಖ್ವಾಚಿವಾತೆ ಬೋಲಿದ್ಯವಾನ ಘಟ್

ಧರಿದಾರ್.

14 ತಾರ ಹಾತ್‌ಮ ದೆವೈರೈತೆ ಅಲ್ಟಿ ಖಬರ್‌ನ, ಅಪ್ಪ ಮಹಿ ಛಾತೆ ಪವಿತ್ರಾತ್ಮಾನಿ ಶಕಧಿ ಜತನ್‌ಧಿ ರಾಕ್.

15 ಏಷ್ಯಾ ತಬರ್‌ಖಾನು ತಮಾಮ್ ಅದ್ಮಿ ಮನ ಹಾತ್ ಮೈಂದಿದು ಕರಿ ಬೋಲಾನು ತುನ ಮಾಲುಮ್. ಇವ್ವಾಮ ಫುಗೇಲಬಿ ಅಜು ಹೇಮೋಗೇನ್ ಮಳಿರೈಸ್.

16 ಒನೇಸಿಪೊರನ ಘರ್‌ವಾಳಾನ ಪ್ರಭು ಗೋರ್ ವತಾಳದೆ, ಇನೆ ಘಣಿ ಹಲ್ಲ ಮನ ಖುಷಿ ಕರಾಯೊ. ಮೇ ಜೇಲ್‌ಮ ರಡ್ಡೀನ್ ಖ್ವಿಂಕ್‌ಳಿನ ಖ್ವಿರ್ಮಾಯೊ ಕೊಂತೆ,

17 ರೋಮ್ ಖ್ವಿಯೇರ್ಮ ಆವ್‌ತಾಸ್ಸ ಮೇ ಮಳಾಲಗೂಬಿ ಯೊ ಡೂಂಡೂಕರ್ತೊಡೊ.

18 ಪ್ರಭು ಇವ್ವುನ ಯೋ ದನ್ಮ ಇನಿ ಗೋರ್ ಮಳಾದೆ. ಯೊ ಎಫೆಸಮ ಇನೆ ಖಿವಿಖಿವಿ ಪರಕ್ಮ ಸೇವೆ ಕರೈಯೊಡೊಕಿ ಯೊ ತುನ ಅಲ್ಟಿನಿತರ ಮಾಲುಮ್ ಛಾ.

2

ಕ್ರಿಸ್ತ ಯೇಸುನೊ ನಿಯತ್‌ನೊ ಶಿಪಾಯಿ

1 ತಾರಿ ಬಾರೇಮ ಬೋಲ್ವುಕತೊ; ಮಾರ ಛಿಯ್ಯಾ ತೂ ಅಪ್ಪ ಕ್ರಿಸ್ತ ಯೇಸುಮ ಛಾತೆ ಹಮಾರ ಖ್ವಿಂಗ್‌ಮ ಮಳಾನಿ ವಾರ್‌ಖ್ವೇಡಿ ಘಟ್ ಹೂ.

2 ಕೈಯೆಕ್ಕಿ ಸಾಕ್ಷಿನ ಖ್ವಾಪ್ಪೆ ತೂ ಮಾರೇಡಿ ಖ್ವಿಮ್‌ಜ್ಯೋಡೊ ಯೊ ಖ್ವಾಚಿ ಪಡಂತನ ತೂ ಲೀಲೆ. ಇನಾಸ್ ಯೋಗ್ಯ ಹುಯಿರೈವವಾಳನ್ ಪೋಚ್ತಾವ್. ಯೊ ಪಡಂತನ ಬಿಜ್ಞಾನ ಶಿಕಾಡನ ನಿಯತ್‌ವಾಳೊ ಹುಯಿರೈಶೆ.

3 ಲತಾಡ ಖ್ವಿಮಾಳಾಮ ಕ್ರಿಸ್ತ ಯೇಸುನೊ ಖ್ವಾಚೊ ಶಿಪಾಯಿನಿಮತ್ ಮಾರ ಖ್ವಿಂಗ್‌ಮ ಭಾಗಿ ರಡ್ಡೆ.

4 ಏಕೆ ಜಂಗನೊ ಶಿಪಾಯಿ ಇನ ಅದಿಕಾರಿನ ಪಸಂದ್‌ಕರಾವನ ಆಖ್ವಕರಾಸ್. ಇನಖ್ವಾಜೀಸ್ ಯೋ ಶಿಪಾಯಿ ಖ್ವಾರು ಆ ಲೋಕಾನು ವ್ಯವಹಾರ್‌ಮ ಖ್ವಪಡ್ತುನಾತೆ ಇಮ್ ಜತನ್‌ಥಿ ರ್ಹೋಸ್.

5 ಕೋಣ್‌ತೋಬಿ ಏಕ್ ಜುಣು ಮಿಲಾವಾನಿ ಹರ್‌ಜಿತ್‌ಮ ಇನಾಮ್ ಲೇವ್ಣುಕತೊ, ಮಿಲಾವವಾಳೊ ಖ್ವಾರುಸ್ ನಿಯಮ್‌ನಿಘೋಣಿ ಯೋ ನಾಖ್ವೊಣು.

6 ಪಿಕಾವಸ್ತೆ ಅನಾಜ್‌ಮ ಪಹಿಲು ಭಾಗ್ ಮ್ಹಿನತ್ ಕೋಣ್ ಕರಾಸ್ತಿ ಇವ್ಣುನಸ್ ಭಾವ್ಪು.

7 ಮೇ ಬೋಲುಕರುಸ್ತೆ ಬಾರೇಮ ಸೋಚಿ ದೇಕ್. ಪ್ರಭು ತುನ ಆ ಖ್ವಾರಮಾಬಿ ತೂ ಮಾಲುಮ್ ಕರಿಲ್ಯವಾನಿ ಖ್ವಿಯಾಲ್ ದಿಶೆ.

8 ದೇವ್ಣೆ ಮರ್ಯಾಹುಯಮಾಥು ಪಾಲ್ತು ಜಿವ್ತು ಉತಾಡ್ಯೋತೆ ಅಜು ದಾವೀದ್‌ನಿ ಖಾಂದಾನ್‌ವಾಳೊ ಹುಯಿರ್ರೋತೆ ಯೇಸು ಕ್ರಿಸ್ತನ ಯಾದ್ ಕರ್ತೊರ್ಹೊ. ಆಸ್ ಮೇ ಬೋಲುಸ್ತೆ ಅಲ್ಟಿ ಖಬರ್.

9 ಶನಕತೊ ಮೇ ಅಲ್ಟಿ ಖಬರ್‌ನ ಬೋಲುಸ್ತೆ ಇನಖ್ವಾಜೀಸ್, ಮೇ ಖ್ವತುಕರೂಸ್ತೆ ಅಜು ಮನ ಖೈದಿನಿಘೋಣಿ ಖ್ವಂಕಳಾಥಿಬಿ ಭಾಂದಿರಾಖ್ವುಸ್. ಕತೋಬಿ ದೇವ್ಣಿ ವಚನ್ ಭಂದೈರ್ದಿ ಕೊಯ್ತು.

10 ಅನಖ್ವಾಜೀಸ್ ದೇವ್ಣೆ ಘೋಣಿರಾಖ್ಯೊತೆ ಅದ್ಮಿನಾಬಿ ಮಾರ ಜೋಡೆ ಇವ್ಣುಖ್ವಾಜೀಸ್ ಮೇ ಖ್ವಾರುಸ್ ಖ್ವಮಾಳಿಲೆವ್‌ಕರೂಸ್. ಕ್ರಿಸ್ತ ಯೇಸುಮ ಛಾತೆ ರಕ್ಷಣೆನ, ಇನಿ ಹಮೇಶಾನಿ ಮಹಿಮೆನ ಜೋಡೆ ಲೀಲೆಣು.

11 ಆ ವಾತೆ ವಿಶ್ವಾಸ್‌ನು ಹುಯಿರ್ದಿಸ್, “ಅಪ್ಲೆ ಇನಜೋಡೆ ಮರ್ಯಾತೊ, ಇನ ಜೋಡೆಸ್ ಜಿವ್‌ಶು;

12 ಅಪ್ಲೆ ಕೆದಕೆದೇಬಿ ಖ್ವಮಾಳಿಲಿದಾತೊ, ಇನ ಜೋಡೆಸ್ ಅದಿಕಾರ್‌ಬಿ ಚಲಾವ್‌ಶು, ಅಪ್ಲೆ ಇನ ಭಣಿವಾಳ ಕಾಹೆ ಕರಿ ಬೋಲ್ಯಾತೊ, ಯೋಬಿ ಅಪ್ಲೆ ಇನಾಭಣಿವಾಳ ಕಾಹೆ ಕರಿ ಬೋಲ್‌ಶೆ.

13 ಅಪ್ಲೆ ವಿಶ್ವಾಸ್‌ವಾಳ ನಾ ರ್ಹಯಾತೋಬಿ, ಯೋ ವಿಶ್ವಾಸ್‌ರ್ದಿವಾಳೊ ಹುಯಿರ್ದಿಸ್. ಶನಕತೊ ಯೋ ಇನಿ ಸ್ವಭಾವ್‌ನ ವಿರೋದ್ ಶಾತ್ಪಿ ಕರಾಕೊಯ್ತು.

ಲ್ಹಾಯೀಕ್‌ನೊ ಸೇವಕ್

14 ಸಬೇನು ಅದ್ವಿನ ಆ ಬಾರೇಮು ಯಾದ್ಕ ರಾಕ್ಟು. ಅಬ್ಬಾಜಬ್ಬಿನಿ ಬಾರೇಮು ಲಗಾತ್ ನಾಕರ್ನ್ ಕರಿ ದೇವ್ನ ಖ್ಹಾಪ್ಪೆ ಇವ್ವುನ ರೈತಾವ್. ಲಗಾತ್ ಕರಾಥಿ ಶನೂಸ್ ಫಾಯಿದೊ ಕೋ ಹುವಾನಿ, ಕತೋಬಿ ಖ್ಹಿಮ್‌ಜಾವಾಳು ಅದ್ವಿ ಬಿಗ್‌ಡಿಜಾಸ್.

15 ದೇವ್ನ ಡೋಳಾಮ ಲ್ಹಾಯಕ್‌ನು ಅದ್ವಿಹುಯಿನ್ ದೆಖ್ವಿಲ್ವಾನಟೇಕೆ ತಾರಿ ಅಖ್ವಿ ಶಕಥಿ ಕೋಶಿಶ್ ಕರ್, ಅನೇಥಿ ವಾತೇಮಾಬಿ ರ್ಲವೊ ಇವ್ವ ಕಾಮ್ ಖ್ಹಾರಾನಾಬಿ ರ್ಲವೊ ಖ್ಹರಮ್ ಕಾಡಾನಿಘೋಣಿ ನಾರ್ಲೆವ್ವು ಅಜ್ಜು ದೇವ್ನಿ ಖ್ಹಾಚಿ ವಚನ್ ಬರಾಬರ್‌ಥಿ ಬೋಲಿದ್ವಾಳೊ ಹುಯಿರ್ಲೆ.

16 ಜಗತ್ನು ಹುಯಿರ್ಲೆತೆ ಫಾಲ್ತು ವಿವಾದ್‌ಥಿ ಅಜ್ಜು ಭಕ್ತಿಕೊಂತೆ ವಿಚಾರ್‌ಥಿ ದೂರ್ ರ್ಲೆ. ಶನಕತೊ ಯೊ ವಿಚಾರ್ ಅದ್ವಿವ್‌ನ ದೇವ್‌ಥಿ ದೂರ್ ಕರಿನಾಖಸ್.

17 ಇವ್ವಿ ವಾತೆ ಖ್ಹಿಡ್ಯಾ ಫೋಡಾನಿಮತ್ ಫೈಲಿಜಾಸ್. ಹುಮೆನಾಯಿನ್ ಅಜ್ಜು ಪಿಲೇತಾಬಿ ಇಮ್‌ನಾಸ್ ಹುಯಿರ್ಲ್ವಾಸ್.

18 ಇವ್ವೆ ಖ್ಹಾಚೊ ಮಾರಗ್‌ನ ಮ್ಹಂದಿನ್, ಪಾಲ್ತು ಜಿವ್ತುಹುಯಿನ್ ಹುಯಿಗು ಕರಿ ಬೋಲ್ತುಹುಯಿನ್, ಅಮ್ ಥೋಡ ಅದ್ವಿನಿ ವಿಶ್ವಾಸ್‌ನ ಬರ್ಬಾತ್ ಕರುಕರಸ್.

19 ಶಾಕ್ತಿ ರ್ಲವೊ ದೇವ್ನ ನಾಖ್ಯೋತೆ ಹದಿಪಾಯ ಯೊ ಘಟ್ ಭೀಯೂಸ್. ಇನಾಪರ್ ಲಿಖ್ತಿರ್ಲ್ವಾಸ್ “ಯೋ ಹದಿಪಾಯಪರ್, “ಪ್ರಭು ಇನ ಅದ್ವಿನ ಮಾಲುಮ್ ಕರಿರಾಖ್ಯೋಸ್”. ಅಜ್ಜು ಯೋ ಹರೇಕ್ ಜಣಾನ ಬೋಲಾಸ್ ಹೈರೋತೆ ಪ್ರಭುವಾಳೊ ಹುಯಿರ್ಲೆಡ್‌ಕರಿ ಯೊ ಖರಾಬ್ ಕಾಮ್‌ಥಿ ಬಚಾಡಸ್ ಅಜ್ಜು ಪ್ರಭುವಾಳೊಕರಿ ಬೋಲಿಲೇಸ್ ಯೊ ಖರಾಬಿಥಿ ಬಚಾಡಿಲೇವ್ವು.

20 ಏಕ್ ಮೋಟ ಘರಾಮ್ ಖ್ಹಾರಿನ್ ತರ್ಲ್ವಾನು ಹಂಡ್‌ಕು ರಿಕ್ತು ರ್ಲೆಸ್. ಇನಾಮ ಥೋಡು ಖೊನ್ನಾನು, ಥೋಡು ರೂಪಾನು, ಥೋಡು ಲಾಕ್ಡಾನು ಅಜ್ಜು ಥೋಡು ಮಾಟಿನು ರ್ಲೆಸ್. ಇನಾಮಾನು ಥೋಡು ರಾಲ್ತಾನ ಅಲ್ಟ ಕಾಮ್ತ ಉಪಯೋಗ್‌ಕರಸ್, ಅಜ್ಜು ಥೋಡು

ರಾಛಾನ ಮ್ಹಾಮೂಲಿ ಕಾಮ್ಮ ಉಪಯೋಗ್‌ಕರಸ್.

21 ಕೋಣ್‌ಬಿ ಏಕ್ ಭಣು ಖ್ವಾರುಸ್ ಖರಾಬ್‌ಕಾಮ್ ಮ್ಹಂದಿನ್, ಇನು ಯೋ ಪಾಕ್ ಹುಯಿಚ್ಚಾಸ್ತಿ ಇನ ವಿಶೇಷ್ ಕಾಮ್ಮ ಉಪಯೋಗ್ ಕರ್ಶೆ. ಶನಕತೊ ಇವ್ಣೆ ದೇವ್ನಿ ಸೇವೆ ಕರಾನ ಒಪ್‌ಶೈದೀನ್, ಪ್ರಭುನ ಉಪಯೋಗ್ ಹುವಾನಖ್ವಾಜೆ, ಖ್ವಾರುಸ್ ಅಛ್ಫುಕಾಮ್ ಕರಾನ ತೈಯಾರ್ ಹುಯಿರ್ದೆಶೆ.

22 ಜವಾನೀನಿ ಖರಾಬ್ ಲಾಲಚ್‌ಥಿ ದೂರ್ ರ್ಲೆ. ನೀತಿಥಿ, ವಿಶ್ವಾಸ್‌ಥಿ, ಪ್ರಾರ್ ಅಜು ಸಮಾಧಾನ್‌ಥಿ ಜಿವಾನಖ್ವಾಜೆ, ಪಾಕ್ ಮನ್‌ಥಿ ಪ್ರಭುನ ಪುಕಾರವಾಳಾನ ಜೋಡೆ ರ್ಲಾಪನ ಕೋಶಿಶ್ ಕರ್.

23 ಫಾಯಿದೊಕೊಂತೆ ಅಜು ಬೇಕಾರ್ ವಿವಾದ್‌ಥಿ ದೂರ್ ರ್ಲೆ; ಇವ್ಣಿ ವಿವಾದ್ ಖ್ವಾರಿ ಲಗಾತ್ ಉಷೆ.

24 ಪ್ರಭುನೊ ಸೇವಕ್ ಲಗಾತ್ ನಾಸ್ ಕರ್ನ್. ಯೋ ಹರೇಕ್‌ನ ಗೋರ್ ಕರಾವಾಳೊ ಹುಯಿರ್ದೆಣು, ವಚನ್ ಬೋಲಿದ್ಯವಾಮ ಚಾತುರ್ ಹುಯಿರ್ದೆಣು ಅಜು ಖ್ವಮಾಳಿಲ್ಯವಾಳೊ ಹುಯಿರ್ದೆಣು.

25 ಇನ ವಿರೋದ್ ಕರಾವಾಳಾನಾಬಿ ಅನ ಖ್ವಿಯಾಲ್ಮ ರಾಖಿನ್ ಶಾಂಧಾರಿಥಿ ಬೋಲಿದಾವಳೊ ಹುಯಿರ್ದೆಣು. ದೇವ್ ಇವ್ಣುನ ಜಿನ್ನುಕು ದಿಲ್ ಫರಾವನಿತರ ಶಕತ್ ದಿಶೆ. ಅನೇಥಿ ಖ್ವಾಚಿ ಅಕ್ಕಲ್ ಇವ್ಣುನ ಮಳ್‌ಶೆ.

26 ತದೆ ಇವ್ಣೆ ದೇವ್ನಿ ಮರ್ಜಿನ್ ಪರ್ವಿಲಿನ್, ಇವ್ಣುನ ಧರಿನ್, ಇವ್ಣೆ ಇನಿ ವಾತೆ ಖ್ವಮ್‌ಭಾನಿಮತ್ ಕರಿರಾಖ್ಯೊಸ್ತೆ ಶೈತಾನ್ನ್ ಫಾಖ್ವಾಮಾಥು ಭಾರ್‌ಆಯಿನ್, ಬಚಿಜಾಶೆ.

3

ಖ್ವರ್ತಿನ ದನೂಮ

1 ಯಾದ್ ರಾಖಿಲೆ ಖ್ವರ್ತಿನ ದನೂಮ ಖರಾಬ್ ವಖ್ವತ್ ಆವ್‌ಶೆ.

2 ಅದ್ವಿಖ್ವಾರ್ರು ಖಲಿ ಇನಿಬಾರೇಮ ಯೊ ಸೋಚವಾಳು, ಪೈಶಾನಿಲಾಲಚ್‌ವಾಳು, ಬಡೈಮಾರಿಲೆವಾಳು, ಹಂಕಾರ್‌ಭರ್‌ಯು,

ಮಶ್ಲ ಮಾರವಾಳು ಹುಯಿರ್ದಿಶೆ. ಅಜ್ಜು ಆಯ-ಬಾನ ಭಾವಣ್ಣ ಕಾಡವಾಳೊ ಅಪವಿತ್ರ ಹುಯಿರ್ದಿಶ್. ದೇವನೊ ಡರ್ಕೊಂತೆ,

³ ಪ್ಯಾರ್ಕೊಂತೆ, ಆರ್ಗೋರ್ ಕರಾಕೊಂತೆ ಅಜ್ಜು ಚಹಾಡ್ ಬೋಲವಾಳು, ಇನುಯೋ ದಾಬುಕ್ಕೊಂತೆ, ರಣ್‌ಖಂದ್ಲಿಬಿ ಅಜ್ಜು ಅಲ್ಲಾನ ವಹೇರ್ ಕರಾವಾಳು ಹುಯಿರ್ದಿಶೆ.

⁴ ಧೋಕೊ ದೈವವಾಳು, ದುಡ್ಡಿನ್ ವಾತೆ ಬೋಲವಾಳು, ಹಂಕಾರಿಅಖ್ಲು, ದೇವ್ ಪ್ಯಾರ್‌ಕರಾಥೀಬಿ ಹೋಶ್‌ನಿ ಭೋಗ್‌ಮಾಸ್ ಮುಷಿಕರವಾಳು ಹುಯಿರ್ದಿಶ್.

⁵ ಯೊ ಅದ್ಮಿಖ್ವಾರು ಅಪ್ಪ ಪದತ್ತಿ ಕಾಮ್ನಾಸ್ ಧರಿರಾಖಾಸ್ ಕತೋಬಿ ಇನ ಮಹಿನು ಖ್ವಾಚಿನಿ ಶಕತ್ ಮ್ಹೇಲಿದೇಸ್ ಅಥ್ರಾನವಾಳೇಥಿ ದೂರ್ ರ್ದಿ.

⁶ ಅವ್ವಾಮ ಧೋಡು ಭಣು ಅದ್ಮಿನ ಘರ್‌ಮ ಪೇಶಿನ್, ಪಾಪ್‌ಥಿ ಭರ್ಚೆರ್ದಿಶೆ ಅಜ್ಜು ಬಿಜಿ ಖ್ವಾರಿ ಆಖ್ವಾಮ ಡುಬಿರ್ದಿಶೆ ಬುದ್ಧಿಕೊಂತೆ ತಯೇಡಾವ್‌ನ ಕಬ್‌ಜಾ ಕರಿಲೇಸ್.

⁷ ಕತೋಬಿ, ಯೋ ತಯೇಡವ್ ಹಮೇಶ ಉಪದೇಶ್ ಖ್ವಮ್‌ಭುಕರಿನ್‌ಬಿ ಖ್ವಾಚಿ ಶಾತ್‌ಕರಿ ಪರ್ಖಿ ರಾಖಿಯೆಕೊಂತೆ ಹುಯಿರ್ದಿಯೇಸ್.

⁸ ಯನ್ನ ಅಜ್ಜು ಯಂಬ್ರ ಮೋಶೆನಿ ವಿರೋದ್ ಕರೈಕೀ ಇಮ್ನಾಸ್, ಆ ಅದ್ಮಿವ್ ಜಿನುಕು ಖ್ವಾಚಿನ ವಿರೋದ್ ಕರಾಸ್. ಅವ್ವು ದಿಮಾಕ್ ಬರಬರ್‌ಕೊಯ್ನಿ ಅಜ್ಜು ವಿಶ್ವಾಸ್‌ನ ಮ್ಹೆಂದಿದುಹುಯು ಹುಯಿರ್ದಿಶ್.

⁹ ಕತೋಬಿ ಬಿಜುಖ್ವಾಮ್ ಇವ್ಣೆ ಭಡಾನ ಕೋ ಉಶೇನಿ. ಶನಕತೊ ಕಿಮ್ ಯನ್ನ ಅಜ್ಜು ಯಂಬ್ರಾನ ದಿಮಾಕ್‌ಕೊಯ್ನಿ ಕರಿ ಅದ್ಮಿಖ್ವಾರಾನ ಮಾಲುಮ್ ಪಡ್ಕಾಕಿ ಇಮ್ನಾಸ್, ಅವ್ವುನಾಬಿ ದಿಮಾಕ್‌ಕೊಯ್ನಿ ಕರಿ ಖ್ವಾರನ್ನ ಮಾಲುಮ್ ಪಡ್‌ಶೆ.

ಖರ್ತಿಮ ವತಾಳನಿ ಬಾರೇಮ

10 ಕತೋಬಿ ತೂ, ಮಾರಿ ಜೀವನ್ನಿ ತರೀಕ,ಮಾರಿ ಜೀವನ್ನಿ ಉದ್ದೇಶ್,ಮಾರು ವಿಶ್ವಾಸ್ ಅಜ್ಜು ಮೆ ಖ್ವಮಾಳಿಲ್ಯವಾನು,ಮಾರಿ ಪ್ಯಾರ್, ಮಾರಿ ಭಾಲಿ ಆ ಅಖ್ವು ತುನೆ ಚಲೈರಾಖ್ಯೊಸ್.

11 ಮನ ಹುಯೂತೆ ವದೇಖ್ವೊ ಅಜ್ಜು ಖ್ವತಾಪ್ಪಿನಿ ಬಾರೇಮಾಬಿ ತುನ ಮಾಲುಮ್ ಛಾ. ಅಂತಿಯೋಕ್ಯ ಇಕೋನ್ಯ ಅಜ್ಜು ಲುಸ್ತಾಮ ಮೇ ಕೆತ್ರೆ ಮೋಟಿ ವದೇಖ್ವೊ ದಿದೂಥು ಇನ ಮೆ ಖ್ವಮಾಳ್ವೊ ಕತೋಬಿ ಪ್ರಭುನೆ ಯೋ ಅಖ್ವಾಮಾಥು ಬಚಾಡ್ಯೊ.

12 ಕ್ರಿಸ್ತ ಯೇಸುಮ ದೇವ್ನಿ ಮರ್ಜಿನಿಫೋಣಿ ಜಿಂದಾಗಿ ಜಿವ್ವುಕರಾನ ಆಖ್ವೊಕರಾಸ್ತೆ ಹರೇಕ್ ಭಣು ಲತಾಡ ಪಡ್ವುಸ್ ಪಡಾಸ್.

13 ಕತೋಬಿ ಖರಾಬ್ ಅಜ್ಜು ರಗಾರ್ಯ್ ಅದ್ಮಿ ಬಿಭಾವ್ನಾಬಿ ರಗೈನ್ ಅಜ್ಜು ಇವ್ವೇಬಿ ಗಲತ್‌ಪರ್ ಚಾಲ್ತುಹುಯಿನ್, ದನ್‌ಪರ್-ದನ್ ತೀರ್‌ಚಾಸ್ ಖರಾಬ್ ಹುಯಿಜಾಸ್.

14 ಕತೋಬಿ ತಾರಿ ಬಾರೇಮ ಬೋಲ್ವುಕತೊ ಯೊ ಖ್ವಾಚಾಮ ಘಟ್‌ರ್ದಿ ಆ ತುನ ಶಿಕಡೈರ್ದೊಸ್ ಅಜ್ಜು ವಿಶ್ವಾಸ್ ಧರಿಲೆ. ಅನಿಬಾರೇಮ ತುನ ಕಿನೆ ಶಿಕಾಡ್ಯೊಕರಿ ತುನ ಮಾಲುಮ್ ಛಾನಿ.

15 ಅಡ್ವಾಣಿಪರ್‌ಥೂಸ್ ತುನ ಪರಿಶುದ್ಧ ದಪ್ತರ್‌ಮ ಲೀಖೈರ್ದೊತೆ ಮಾಲುಮ್ ಛಾನಿ, ಯೋ ದಪ್ತರ್‌ಖ್ವಾರು ಕ್ರಿಸ್ತಯೇಸುಮ ಛಾತೆ ಭರೋಖ್ವಾಡಿ ರಕ್ಷಣೆಲ್ಯವಾನಿ ಗ್ಯಾನ್ನ ತುನ ದೈವಾನ ತಾಖತ್ನು ಹುಯಿರ್ದೊಸ್.

16 ಆ ಖ್ವಾರಿಸ್ ನಿಯಮ್ ದೇವ್ನಿಖೂಜ್‌ಧಿ ಬಣಿರ್ದೊಸ್. ಅಜ್ಜು ಅದ್ಮಿವ್‌ನ ಖ್ವಾಚಿ ಪಡಂತ್‌ನ ಶಿಕಾಡನ, ಗಲತ್ ಕರವಾಳನ ಬರಾಬರ್ ಕರಾನ ಅಜ್ಜು ಇನಿ ಗಲತ್‌ನಖ್ವಾಜೆ ಗುರ್‌ಕಾವಾನ, ಅಜ್ಜು ನೀತಿನ ಶಿಕಾನಾಬಿ ಫಾಯಿದೊ ಹುಯಿರ್ದೊಸ್.

17 ಅನಖ್ವಾಜೆ ದೇವ್ನು ಅದ್ಮಿ ಧರ್ಮಶಾಸ್ತ್ರಧಿ ಚಾತುರ್‌ಹುಯಿನ್, ಅಮ್ಮಿ ಪರಕ್ತ ಅಖ್ವೀಸ್ ತರ್ದಾನು ಅಲ್ಫುಕಾಮ್ ಕರಾನ ಶಿಕಾಸ್.

4

1 ದೇವ್ನ ಖ್ವಾಮ್ಪೆ ಸಾಕ್ಷಿ ಹುಯಿರಿನ್ ಅಜ್ಜು ಕ್ರಿಸ್ತಯೇಸುನ ಸಾಕ್ಷಿಕರೀನ್

ಯೋ ಜಿವ್ತುರ್ದವಾಳನ ಅಜ್ಜು ಮರೈಹುಯಾನ ನ್ಯಾವ್‌ನ ತೀರ್ಪ್ ಕರಾವಾಳೊ. ಶನಕತೊ ಯೊ ದೆಖಾವಾಶೆ ಅಜ್ಜು ಇನಿ ರಾಜ್ಯ ಖನ್ನೆ ಛಾ. ಮೆ ತುನ ಕೋಲ್‌ನಾಮ್ ಕರೀನ್ ಹುಕುಮ್ ದೆವ್ತುಸ್.

² ದೇವ್ನಿ ಸುವಾರ್ತೆ ಅದ್ಮಿವೋನ ಅಲ್ಟಿ ವಖ್ತುಮ್ ಖಬರ್ ವಖ್ತುಮ್ ಬೋಲಿದೆ. ಅದ್ಮಿಖ್ತಾರು ಕರ್ನುತೆ ಇನ ಇವ್ತುನ ಬೋಲಿದೆ. ಇವ್ಣೆ ಗಲತ್ ಕರಾನಿ ವಖ್ತುತೆ ಯೋ ಇನ ಒತಾಳ್, ಇವ್ತುನ ಗುರ್‌ಕಾವ್, ಹುಮ್ಮಖ್ತಾರ್‌ನಿ ಘಣು ಖ್ವಮಾಳಿರ್ದೀನ್ ಅಜ್ಜು ಹೊಷಾರ್‌ಧಿ ಕರ್.

³ ಅದ್ಮಿಖ್ತಾರು ಖ್ವಾಚಿ ವಚನ್ನ ಮಾನಕೊಂತೆ ದನ್ ಆವಾಶೆ. ಯೊ ದನೂಮ, ಇವ್ಣೊ ಕಾನ್ ಆಖ್ತು ಕರಾತೆ ಇಮ್ ಅಜ್ಜು ಇವ್ಣ ಖ್ವಾಜಾತೆ ಇಮ್ ವಚನ್ ಬೋಲವಾಳಾನ ಎಕ್ಚು ಕರಿಲಿಶೆ.

⁴ ಇವ್ಣೆ ಖ್ವಾಚಿ ವಚನ್ ಖ್ವಮ್‌ಜಾನ್ ಮ್ಹಂದಿನ್, ಕೊಂತಿಖೇಣಿನ ಖ್ವಮ್‌ಜಾವಾಳು ಹುಯಿರ್ದಿಶೆ.

⁵ ಕತೋಬಿ ತೂ ಅಖ್ವಿ ಹಾಲ್‌ಮ ತಾರು ತೂ ದಾಬುಕ್‌ಧಿ ರ್ದೀ; ಖ್ವತಾಪ್ಪಿ ಆಯುತೊ ಖ್ವಮಾಳಿಲೇ, ಅಲ್ಟಿ ಸಮಚಾರ್‌ನ ಬೋಲವಾಳೊ ಹುಯಿರ್ದಿ ಅಜ್ಜು ತುನ ದೆವೈರ್ದೀತೆ ಸಬೇನು ಕಾಮ್ನ ಬರಾಬರ್‌ಧಿ ಕರ್. ಮಾರಿ ಬಾರೇಮ ಬೋಲ್‌ನು ಕತೊ ಮಾರಿ ವೇಳ್ ಐರ್ದೀಸ್ ಮೇ ಬಲಿ ಹುವಾನು ವಖ್ತುತ್ ಆವ್‌ತುರ್ದು.

⁶ ಶನಕತೊ ಮೇತೊ ಹಮ್ಕೀಸ್ ಬಲಿಹುಯಿನ್ ಅರ್ಪಣ್ ಹುಯೆಜವುಸ್. ಮೇ ಜಾವಾನಿ ವೇಳ್ ಖನ್ನೆ ಅಯಿಗು.

⁷ ಮೇ ಮಹಾನ್ ಹರ್‌ಜಿತ್ ಕರಿರಾಖ್ಯೊಸ್, ಮಾರಿ ದೌಡ್ಡ ನಾಶೀನ್ ಖ್ವರ್ತಿ ಕರಿರಾಖ್ಯೊಸ್, ಅಜ್ಜು ಮೇ ಕ್ರಿಸ್ತನಿ ವಿಶ್ವಾಸ್ ಬಘಾಡಿರಾಖ್ಯೊಸ್.

⁸ ದೇವ್ನ ಖ್ವಾಜಾನಿಮತ್ ಜಿವವಾಳಾನ ಮಳಾಸ್ತೆ ಜಯಾನಿ ಹಾರ್ ಹಮ್ನ ಮಾರಖ್ವಾಚಿ ತೈಯಾರ್ ಛಾ. ಯೋ ನೀತಿವಾಳೊ ನ್ಯಾವ್‌ನೊ ಅದಿಪತಿ ಹುಯಿರ್ದೀತೆ ಪ್ರಭು, ಯೋ ದನ್ಮ ಮನ ದಿಶೆ, ಮನಾಸ್ ಕಾಹೆತೆ, ಯೋ ಆವಾಶೇತೆ ದೇಕ್ಚು ಕರಿ ಪ್ಯಾರ್‌ಧಿ ಜಫಿರ್ದೀತೆ ಇವ್ತುನಾಬಿ ದಿಶೆ.

ಪಾಲನಿ ಶೊಂತ್ ವಾತೆ

9 ತುನ ಹುವಾಯಿತ್ರಿ ವಗ್ಗಿಸ್ ಮಾರಕನ ಆವಾನ ಕೋಶಿಶ್ ಕರ್.

10 ದೇಮಾನೆ ಆ ಜಗತ್ತ್ ಪ್ಯಾರ್ ಕರಯ್ಚೊ ಅಜ್ಜು ಮನ ಮ್ಹಂದಿನ್ ಥೆಸಲೋನಿಕನ ಚಲೆಗಯೊ. ಕ್ರಿಸ್ತ ಗಲಾತ್ಯನ ಅಜ್ಜು ತೀತನೆ ದಲ್ಮಾತ್ಯನ ಚಲೆಗಯ.

11 ಖಲಿ ಲೂಕ ಮಾರ ಜೋಡೆ ಛಾ. ತೂ ಆವಾನಿ ವಖ್ಖತ್‌ಮ ಮಾರ್ಕಾನ್ ತಾರ ಕೇಡೆ ಬುಲೈಲಿ ಆವ್, ಶನಕತೊ ಮಾರ ಕಾಮ್ಮಮದತ್ ಕರ್ಶೆ.

12 ಹಮ್ಚೆ ಮೇ ತುಖಿಕನ ಅಖ್ವಿ ಅದಿಕಾರ್‌ಥಿ ಎಫೆಸ ಖ್ವಿಯೇರ್ನ್ ಮೋಕ್ಸಿರಾಖ್ಯೊಸ್.

13 ತೂ ಆವಾನಿ ವಖ್ಖತ್‌ಮ ತೋವ ಗಾಮ್‌ನ ಕರ್ಪಕನ ಇನ ಮೇ ಮ್ಹಂದಿನ್ ಆಯೋತೆ ಮಾರೊ ಝಗ್ಗೊ ಅಜ್ಜು ಪುಸ್ತಕಅಖ್ವಿ, ಎತ್ರೇಸ್ ಕಾಹೆತೆ ಚಾಂಬ್‌ಡೇಥಿ ಬಣ್ಣೆಹಯು ಪುಂಗ್‌ಳಿನ ಪಾಡಿಲೀನ್ ಆವ್‌ಜೊ.

14 ಕಂಚ್‌ನು ಕಾಮ್ ಕರಾವಾಳೊ ಅಲೆಕ್ಸಾಂಡರ್‌ನ್ ಮನ ಘಣು ಖ್ವಿತಾಯೊ, ಇನೆ ಕರಯ್ಚೆತೆ ಕಾಮ್ಮಟೇಕೆ ಪ್ರಭು ಇನ ಬರಾಬರ್‌ನಿ ಪ್ರತಿಫಲ್ ದಿಶೆ.

15 ತೂಬಿ ಇನಿ ಬಾರೇಮ ಜ್ಞತನ್ ರ್ವೆ. ಶನಕತೊ ಇನೆ ಹಮೆ ಬೋಲೆಸ್ತೆ ವಚನ್ ಘಣು ವಿರೋದ್ ಕರಯ್ಚೊ.

16 ಮೇ ಪಹಿಲಿ ಜ್ಞವಾಬ್ ದಿದೋತೆ ತದೆ ಕೋಣ್‌ಬಿ ಮಾರಿಜೋಡೆ ಕೋಡೂನಿ, ಅಖ್ವಿಜ್ಞಣು ಮನ ಹಾತ್ ಮ್ಹಂದಿದು. ಹೈರುತೆ ಇವ್ಪುನ ದೋಷ್‌ಹಯಿನ್ ಗಣ್ತಿಮ ನಕೊ ರ್ವಾವಾದೆ.

17 ಕತೋಬಿ ಪ್ರಭುನೆ ಮಾರ ಜೋಡೆಸ್ ರ್ವೆನ್, ಮನ ಭಾಲಿದಿದೊ. ಅಜ್ಜು ಮೇ ಪರೈಜಾತ್‌ವಾಳು ಖ್ವಾರು ಪೂರಿ ತರಿಕಾಥಿ ಖ್ವಿಮ್‌ಜಾನಿಮತ್ ದೇವ್ನಿ ಸುವಾರ್ತೆನ್ ಬೋಲಾನಿಘೋಣಿ ಕರಯ್ಚೊ. ಎತ್ರೇಸ್ ಕಾಹೆತೆ ಇನೆ ಮನ ಶುಂಭಾನ ಮ್ಹೋಡಮಾಥು ಛೋಡಾಯೊ.

ಖ್ವರ್ತಿನಿ ಖ್ವಲಾಮ್

18 * ಅಜ್ಜು ಪ್ರಭು ಮನ ಖ್ವಾರ ಖರಾಬ್‌ಥಿ ಬಚಾಡಿನ, ಇನಿ ಸೊರ್ಗ

* 4:18 4:18 ಮೋತ್‌ನ ಮ್ಹೋಡಾಥಿ ಬಚಾಡ್ಚೊ ಕರಿ ಮತ್‌ಲಬ್.

ರಾಜ್ಯಮ ಲೀಜಾಶೆ. ಜಗ್ಗೊಮಾನಮಾಬಿ ಇನ ಮಹಿಮೆ ಹುವಾದೆ! ಆಮೆನ್.

¹⁹ ಪ್ರಿಸ್ಕಿಲ್ಲ ಅಭು ಅಕ್ವಿಲನ, ಅಭು ಒನೇಸಿಪೊರನ ಘರ್ವಾಳಾನ ತೋಬ ಕರಿ ಬೋಲ್‌ಜೊ.

²⁰ ಎರಸ್ತ ಕೊರಿಂಥಾಮ ರ್ಲಿಗೊ. ತದೆ ತ್ರೊಫಿಮನ್ನ ಜಾನ್ನ ಅಲ್ಫುಕೊಂತೆ ದೇಖಿನ್, ಮೇ ಇನ ಮಿಲೇತ್‌ಮಾಸ್ ಮ್ಹೆಂದಿದೊ.

²¹ ಠಣ್ಣಾ ದನ್ನ ಆವಾನ ಅಗಾಡಿಸ್ ಮಾರಕನ ಆವಾನ ಕೋಶಿಶ್ ಕರ್. ಯುಬೂಲ, ಪೊದೆಯಾಬಿ, ಲೀನ, ಕ್ಲೌಡ್ಸ್ ಅಭು ಬಿಜು ಖ್ವಾರು ಭೇನೆ ಭೈಯೇ ತುನ ತೋಬ ಕರುಕರಸ್.

²² ಪ್ರಭು ತಾರ ಆತ್ಮನಿ ಜೋಡೆ ರ್ಲವಾದೆ. ಇನಿ ವಾರ್‌ಖೊತುಮಾರ ಖ್ವಾರಸ್‌ಪರ್ ರ್ಲವಾದೆ.

ದೇವ್ವಿ ಖಾಜಿ ವಚನ್
The New Testament in the Vaagri Booli language of
India: ದೇವ್ವಿ ಖಾಜಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ವಿ ಖಾಜಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06